



Publicaziuns dalla vischnaunca, jamna 38

Damonda da baghegiar

2015-1020.000

Datum dalla publicaziun: ils 18 da settember 2015

Il patrun: Fabian Fry, Via Buretsch 3A, 7186 Segnas
Representanta: Rosmarie Fry-Maissen, Via Buretsch 3A, 7186 Segnas
Object: Sanaziun digl access tiel mises, procedura posteriura, repetiziun dalla publicaziun muort la damonda da runcada, parcella 3024, Cavorgia Sura, 7180 Disentis/Mustér

- Ils plans da construcziun ein deponi tier l'administraziun communal.
 - L'investa publica cuoza 20 dis dapi il datum dalla publicaziun.
 - Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.
- La protesta sto esser motivada e suttascretta dil recurrent ni da siu representant.

Disentis/Mustér, ils 14 da settember 2015
Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2015 – 1034.000

Ugo Deflorin-Gilli, Via Cavardiras 6, 7180 Disentis/Mustér; remplazzar il tetg existent dalla remisa, parcella 884, Via Cavardiras 6, 7180 Disentis/Mustér.

Disentis/Mustér, ils 15 da settember 2015
Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandont project:

Nr. 2015 – 2017.000

Barbara Flury, Via Curtins 8, 7186 Segnas
Construcziun d'ina seiv nova cun palera, parcella 1159, Via Peisel 17, 7186 Segnas.

Encunter quella decisiun san ins protestar a scret enteifer 20 dis naven dalla publicaziun alla sup-rastonza communal.

Disentis/Mustér, ils 15 da settember 2015
Uffeci da baghegiar Disentis/Mustér

Cussegl da vischnaunca

Revisiun parziala dalla planisaziun locala

En sia seduta dils 9 da settember 2015 ha il cussegl da vischnaunca sut il tgamun da vicepresidente Livio Zanetti tractau la revisiun parziala dalla planisaziun locala. La revisiun parziala dalla planisaziun locala cumpeglia ina zona d'ennevar Sontga Catrina – Lai Alv, ina nova zona da mist-regn a Pignola/Marias, ina zona speciala Catrina sco era in'adattaziun dalla zona speciala Disentiserhof cun la tschaffada dall'aua da radon (aua cotschna Val Sogn Placi). Plinavon han dus giavischs ch'ei vegni inoltrai duront la procedura da cooperaziun saviu vegnir risguardai. Las finamiras principalas dalla revisiun ein la promoziun da projects turistics persistents (resort Catrina e



Disentiserhof) sco era dil mistregn cun ina nova zona da mistregn a Pignola/Marias. Cheutras vegn creau e garantiu plazzas da lavur. Cun la zona d'ennevar vegnan las premissas per ennevar artificialmein il territori da skis a Caischavedra scaffidas.

Zona speciala Catrina per crear novs letgs administrai

Il plan da zonas Catrina cumpeggia la midada dalla zona da parcar sco era dalla zona per indrezs da sport en la zona speciala Catrina. Era ils edifecis da l'autra vart dalla Via Acletta cun il Hotel «Catrina» (anteriur Hotel «Baur») ed ils plazz da tennis vegnan enzonai da niev ella zona speciala Catrina. Cheutras vegn possibilitau agl investur da realisar la surbaghegiada previda. La zona speciala Catrina ei suttamessa obligontamein alla planisaziun d'areal. Cul project planisau vegn scaffiu rodund 700 letgs administrai che mauncan actualmein a Mustér. Cheutras quantan ins da generar 30 000 pernottaziuns supplementaras. Ina cumpart digl areal previu sesanfla en zona da prighel 2 (donns d'aua). Quella situaziun pretenda mesiras da segirtad vid ils objects ni mesiras generalas vid igl ual d'Acletta. La suprastonza communal ha incaricau in biro d'inschignier d'elaborar variantas e calcular ils cuosts per segirar resp. renaturalisar igl ual d'Acletta.

Zona speciala Disentiserhof per menaschi da cura e hotel

La surbaghegiada sesanfla ella zona speciala Disentiserhof. Per saver crear la pusseivladad per in complex da cura ed in hotel vegn il plan da zonas actual adattaus e completaus entras in plan general da formaziun. Cheutras vegn possibilitau in bien svilup da quei impurtont complex. Il niev object duei corrispunder ad in ault nivel architectonic che duei s'integrar bein el maletg dil vitg. Plinavon vegn il plan da zonas completaus cun ina zona da schurmetg per la fontauna da radon ella Val Sogn Placi ed il plan general d'avertura-provediment cun la lingia per l'avertura dallas fontaunas.

Zona da mistregn a Pignola/Marias cun irradiaziun regiunala

La zona da mistregn actuala a Plaun da Diras ei sesviluppada bein ed ins ha saviu domiciliar leu dus menaschis da mistregn. Il territori Pignola – Plaun da Diras ei situau oreifer per ina zona da mistregn da muntada regiunala e dispona d'ina optimala colligiaziun da traffic. Il terren en quella zona da mistregn ei per gronda part utilisau. L'engrondaziun dalla zona da mistregn a Pignola/Marias schai en grond interess public. Las premissas per quell'adattaziun ein ademplitas e l'avertura ei pusseivla senza grondas investziuns. Las cundiziuns pigl acquist dallas parcelas necessarias ein fixadas en ina curvegna. La parcella cun ina piazza da magasin existenta stat medemamein a disposiziun. Igl ei previu d'enzonar rodund 2,7 hectaras. La recumpensaziun da plivalur vala sco contribuziun communal all'avertura dalla zona da mistregn. Vid ulteriurs cuosts sco p. ex. l'avertura vegn la vischnaunca buca a separticipar. Tenor dretg surordinau federal sto la vischnaunca tier ina enzonaziun era exzonar la medema surfatscha da terren. Alla fin dalla seduta ha il cussegl da vischnaunca aunc tractau la revisiun parziala dalla lescha da baghegiar che regla en detagl las prescripziuns da sura zonas da baghegiar. Suenter ina liunga ed intensiva tractaziun dalla voluminosa documentaziun ha il cussegl da vischnaunca approbau la revisiun parziala dalla planisaziun locala cun diesch encunter duas vuschs e neginas abstenziuns. Larevisiun parziala dalla planisaziun locala vegn suttamessa ils 29 da november 2015 alla votaziun dil pievel. Precedentamein vegnan las votantas ed ils votants informai detagliadamein davart quei project a caschun d'ina sera d'orientaziun publica.

Suprastonza communal

Taxa da cumpensaziun da pumpiers 2015

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **mesjamna, ils 30 da settember 2015** all'administraziun communal, caum postal 57, 7180 Disentis/Mustérnipere-mail (galbin@disentis.ch). Mocun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal Disentis/Mustér



Sera d'informaziun publica

Invitaziun

Mesjamna, ils 30 da settember 2015 allas 20.15 ha liug en halla Cons ina orientaziun publica davart las votaziuns communalas dils 18 d'october 2015.

Las votantas ed ils votants vegnan informai sur dalla contribuziun alla sanaziun dalla baselgia claustrala da sogn Martin sco era sur dils statuts dalla Regiun Surselva. Alla fin dall'orientaziun vegn dau la pusseivladad da tschentar damondas.

Il messadi per la votaziun dil pievel obtenis Vus cun la documentaziun da votar. Plinavon ei el publicaus naven da venderdis, ils 25 da settember 2015 sin la pagina d'internet www.disentis.ch/Agenda.

A tuts interessai in cordial beinvegna a quell'occurrenza.

Suprastonza communal

Annunzias per la fiera Sogn Martin

La fiera da Sogn Martin ha liug uonn igl **gliendisdis, ils 9 da november 2015**.

Annunzias per stans da fiera ein da far a scret (e-mail: lpetridis@disentis.ch) entochen gliendisdis, ils 5 d'october 2015 agl uffeci da baghegiar.

Annunzias suenter quei termin san buca pli vegnir risguardadas.

Administraziun communal Disentis/Mustér

Serrada dalla via Pardomat

Las lavurs da construcziun vid la via da Pardomat prospereschon. Per cuntinuar cun las lavurs da fundaziun, canalisaziun e catram sto la via vegnir serrada per scadin traffic sil tschancun Punt Russein entochen Pardomat **permanentamein**.

Naven da gliendisdis, ils 14 da settember dallas 7.00 entochen venderdis, ils 30 d'october 2015 allas 18.00. Per pedunzs e velocipedists ei il transit garantius da tut temps.

In'untgida ei pussevla sin la via da comunicaziun Mustér–Cavardiras–Pardomat per vehichels entochen endisch tonnas.

Per damondas san ins contactar il responsabel digl uffeci da construcziun bassa dil cantun, Pius Cavegn, telefonin 079 334 74 14 ni tier il menader digl uffeci da baghegiar dalla vischnaunca da Mustér, Ervin Maissen, telefon 081 920 36 46.

Nus engraziein per Vossa capientscha.

*Uffeci da baghegiar Disentis/Mustér
Ervin Maissen*

*Uffeci da construcziun bassa dil Grischun
Pius Cavegn*

Scaldaments mobils el liber

«Bulius da scaldar, radiaturs, radiaturs d'infratgietschen eav.»

Tenor art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. Per mintga apparat da scaldar mobil – gas, electriciad ed ieli – che vegn duvraus el liber per intents commerciale che ha ina prestaziun da scaldar da maximalmein 14 kW sto



vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ eav. Silmeins 20 % dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gadach'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO₂ succeda entras il gestiunari ni entras la vischnaunca
4. Sch'ils gestiunaris cumpenseschan sez l'immissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici po l'obligaziun da cumpensar l'immissiun da CO₂ era vegnir ademplita, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa 60 francs.
6. Las vischnauncas impundan igl entir recav dalla vendita da vignettas per cumpensar l'immissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Disentis/Mustér, ils 15 da settember 2015
Suprastonza communal Disentis/Mustér

Rimnada da pupi

Venderdis, ils 9-10-2015

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel.

Nus rimnein buca cartun. Quel sa vegnir deponius a Raveras igl entir onn ora e quei las mesjarnas (16.00–17.30 e sondas (10.00–12.00).

Bien engraziament per Vies agid e sustegn!

Scolas Mustér, Ch. Berger

Uniun da gimnastica umens UGM

Nus serimnein **gliendisdis, ils 21 da settember** allas 19.00 avon il Center da sport e cultura. Sco entschatta dalla sesiun da gimnastica fagein nus ina spassegiada comunabla. Culla gimnastica entschevein nus il gliendisdis, ils 28 da settember 2015 allas 20.00.

Nus selegrein sin stedia participaziun.



Suprastonza e trenaders

Cuors agid d'urgenza

Quei cuors ei oblicatori per tut tgi che vul acquistar la premissa da carrar cun in vehichel.
Era el mintgadi san bunas enconuschientschas digl'emprem agid esser nizeivlas per in e scadin.

Datum: venderdis, ils 2 d'october, 19.30–21.30
sonda, ils 3 d'october, 8.00–12.00
14.00–18.00

Liug: Casa da scola, Mustér

Annunzias: Ein da far entochen ils 22 da settember 2015 tier Yvonne Flepp, 081 947 50 35
e-mail: yvonne.flepp@kns.ch

Uniun da dunnas Mustér Mummas cun affons pigns

Fiera da resti d'affons cun stiva da caffè

Nus prendein encunter bien, schuber resti entir da stad e d'unviern tochen grondezia 176, termagls, calzers, sézs d'autos e da meisa, crotschas, velos eav.

Dunnas che drovan per lur affon ina nova numra ni han damondas, san prender si contact cun Susanne Strupler, Tel. 081 936 43 14.

Dar giu resti:

Venderdis, ils 25 da settember 2015 dallas 16.30 entochen allas 17.00.

Adatg: Mintga grondezia da resti separau en ina tastga.

Vendita:

Venderdis, ils 25 da settember 2015 dallas 19.00 entochen allas 21.00.

Sonda, ils 26 da settember 2015 dallas 9.00 entochen allas 10.30.

Retuorn dil resti buca vendiu (minus 20 %):

Il resti vegn returnaus e pagaus, sonda ils 26 da settember 2015 allas 12.30 entochen allas 12.45.
Per uorden che maunca surprandin nus negina responsabladad.

Kinderkleiderbörse mit Kaffeestube

Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, sowie Spielsachen, Schuhe, Auto- und Tischsitze, Kinderwagen, Velos usw.

Frauen, die für ihr Kind eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.

Annahme:

Freitag, 25. September 2015 von 16.30 bis 17 Uhr in der Turnhalle Cons, Disentis

Achtung: Jede Kleidergrösse separat in eine Tasche.

Verkauf:

Freitag, 25. September 2015 von 19 bis 21 Uhr Samstag,

26. September 2015 von 9 bis 10.30 Uhr in der Turnhalle Cons, Disentis

Auszahlung (abzüglich 20 %) und Rückgabe:

Samstag, 26. September 2015, von 12.30 bis 12.45 Uhr Für fehlende Sachen übernehmen wir keine Haftung.

Mummas cun affons pigns

Uniun da gymnastica da dunnas Mustér

Nossa uniun ha ina nova purschida: «Line-Dance» ina ga per meins.



Cu: **gievgia, ils 8 d'october, ils 12 da november ed ils 17 da december 2015**, allas 20.00 el Center da sport e cultura, Mustér.

Ulteriuras datas: suondan naven digl onn 2016. Nus envidein tuttas interessadas pil sault, mirei en la halla da gimnastica!

El num dalla suprastonza (tel. 079 672 50 46).

Frauenturnverein Disentis

Unser Turnverein hat ein neues Angebot: «Line-Dance» einmal im Monat

Neue Daten: **Donnerstag, 8. Okt., 12. Nov. und 17. Dez. 2015**, um 20 Uhr im Center da sport e cultura, Disentis

Weitere Daten: folgen im 2016. Wir laden alle Tanzbegeisterten ein, bei uns hereinzuschauen.

Vorstand: Uniun da gimnastica da dunnas Mustér,
(Tel. 079 672 50 46).

Uniun samaritana Mustér

Cuors BLS-AED

L' Uniun samaritana Mustér organisescha il cuors da reanimaziun BLS-AED (Reanimaziun cun applicaziun dil defibrilatur automatic).

Datum: **Sonda, ils 10 d'october 2015**

Temps: 8.30–11.30/13.30–16.30

Liug: Casa da scola Mustér

Annunzias: Ein da far entochen ils 29 da settember 2015 tier Yvonne Flepp, telefon 081 947 50 35, e-mail yvonne.flepp@kns.ch

Schubergiar e rugalar igl aparat d'udida

Gliendisdis, ils 28 da settember 2015 saveis Vus schar schubergiar e rugalar Vies aparat d'udida:

9.15–10.15 en Casa sogn Martin a Trun

10.45–11.30 en Casa sogn Giusep a Cumpadials

13.30–15.15 el Puntreis, Center da sanadad a Mustér

Las firmas Amplifon ni Jäggi da Cuera e Glion, cun signur Arthur Jacomet, fan quei survetsch gratuitamein per tuts interessents. Ei drova negina annunzia.